

王文安公詩文集

王文安公詩集卷之三

男祐編集

五言律詩

早春侍內廷觀朝廷明盛恩澤滂沛謹賦四詩

二儀開泰運五緯發神光
億叶璣衡正祥徵寶曆昌
諸侯執正帛聖主坐明堂
誕布維新政深仁及萬方

洛水靈龜出丹山彩鳳儀
道同堯舜日治比禹湯時
命討咨群議恩威洽遠夷
還將畏天命戒勅共賡詩

嗣服昭神德恢弘繼大勲
精誠格天道圖史煥人文
選士登三俊安邊整六軍
大哉文武畧惟我聖明君

箴戒存冊展綸音下絳霄
艱難知稼穡眷念及漁樵
敬

授初頒曆鏗鏘�奏韶願同田野老擊壤頌唐堯

望鍾山

凌空開疊嶂鍾秀自軋坤控扼三江險憑陵五嶽尊虹
光接海嶠雲氣護天門唯此蟠龍勢神靈萬古存

扈從晚宿夾溝

初雨過符離雲霞望欲迷垂鞭信馬去隨輦聽鶯啼山
繞行營外溪迴帳殿西夜深聞鼓角天近月華低

露筋女廟

風霜存古廟過者倍傷神有土藏遺骨無家寄此身花
開空照水草長自傷春斷臂誰家婦堪爲此女隣

題酌泉齋

丹崖千仞表石竇
瀉靈泉脉脉遙通澗
沉沉遠映天分
來經樹底流出到
堦前一酌清冷味
偏懷刺史賢

出正陽門望方山諸峯

拔地群峯起連天
碧嶂開森如列五
瑞正似拱三台草
木春香發雲霞霽
色來神都何壯麗
即此是蓬萊

贈崔將軍

久事嫖姚幕新兼
大將權收兵出鴈
塞走馬過居延寶
甲明秋日朱旂蔽
曉天行看斬騎虜
歸向蘆街懸

暮過倪氏草堂

烟嵐蒼夕景卷幔對餘輝花逐微風落春隨細雨歸官
閑宜避俗心靜自忘機更覺幽拙好鄉山願已違

贈周道者

千里望函關飄搖一久還定知黃鶴去應不到人間鷄
犬雲中宅烟霞海上山安期如可遇解珮欲投閑

贈伍子正還嶽山舊隱

積翠群峯出盤雲古洞深澗花春帶雨山木曉澄陰猿
鶴多年別江湖萬里心還携謝安妓歸去一登臨

贈長安少年

年少五陵豪青袍赤練絲看花到洛下走馬出城皋白

玉爲弓靶黃金裝寶刀
遙人買歌笑深夜醉葡萄

夜泊淮河北岸

曲岸風濤靜收帆
夜泊舟潮聲隨月上波影帶星流爲
客獨千里思家尚百憂
通宵暫成寐歸夢到南州

贈邊將

前年度青海一鼓破烏孫
氣冠三軍勇身經百戰存論
功受賞報國敢忘恩
豈似班超輩思歸戀玉門

送金諭德扈從征虜四首

三春車駕發萬里
滅殘胡龍虎揚軍勢
風雲布陣圖從
臣倂稷契兵法論孫吳
破敵應無戰謳歌待獻俘

駐蹕陰山下分營瀚海邊春光明玉帳殺氣薄胡天擊
鼓雷霆震旌旗日月懸參謀有籌策前席屢承宣
帶甲軍容盛通宵羽檄飛安邊資武畧制勝仗天威王
氣隨雕輦霜華上鐵衣單于心膽落指日受重圍
奏凱揚歸旆歡聲動九霄帳前班虎旅仗外繫天驕萬
甲邊塵淨三春積雪消收功在帷幄未數霍嫖姚

贈南山上人

禪心久無慮隨處只看山偶逐孤雲去因隨野鶴還鐘
聲秋雨外燈影夕陽間自覺清虛好僧房盡不關

送許子謨赴北京

舊日皇華使今爲太學師文章可傳世髣髴未成絲別
路天邊去孤舟雪後移還從廣陵過見月倍相思

送張生

綠酒清宵醉風霜遠客愁携書過靜海走馬到安州關
月寒逾迫河洪凍不流憐君謝簪笏歸卧草堂幽

憶田園

綠樹青山郭先人有舊廬天光入戶牖雲氣護圖書未
遂歸田計誰乘下澤車百年桑梓念回首謾躊躇

夜宴

銀燭照金屏香雲滿座生花飄舞袖影風度繞梁聲門

然先投轄搏前豈絕纓但將無醉飲何惜到天明

酬王尊師仙遊四首

翠水三山路微茫見卞州月臨珠斗迴雲度絳河流露
氣生鰲背簫聲出鳳樓慚無學仙分得伴赤松遊
漠漠層霄外寥寥太乙居蒼龍翊飛蓋白鹿輓行車
翠瑤臺樹雲霞玉洞書何因躡天路探討極玄虛
羽節飄搖轉霓旌汙漫遊紅光飛赤鯉紫氣度青牛月
上芙蓉館風迴蓮葉舟遙憐徐福輩入海訪瀛洲
混合天光靜空濛星漢斜碧桃含紫霧金鼎伏丹砂王
母顏如玉安期棗似瓜若陪瑤水宴還擬泛靈槎

送楊秀才

京華久客居臨別意何如去路唯看月歸舟只載書九
華山色暮秋浦樹陰疎更莫多留滯風霜近歲除

泛舟河口二首

河湟接平野衆水會通津曉色晴陰薄春聲鳥語頻盈
盈浣紗女脉脉度船人共惜他鄉景風花節候新
蕩漾孤舟去雲霞淡水容櫓聲驚鵲鶴波影動魚龍不
見山中寺遙聞天外鐘排蓬開帳望烟樹隱高峯

新秋有懷二首

律應清商動涼生大火流梧飄金井露鴈度玉門秋爽

氣消殘暑砧聲報遠愁佳期七夕近乘月却登樓
天高金氣肅日夕起涼風岸柳凋殘碧池蓮落淺紅六
師征戰罷萬里塞垣空欲寄還鄉信南歸托便鴻

新春朝中作

帝統尊三正神功叶九歌新春入鳳闕殘雪霽龍河國
有賢才盛天宜雨露多從今沛恩澤田野萬民和

題龍氏龍州書館

幽居如杜曲松竹舊時栽溪路隨花入柴門傍水開風
來書帙散月出棹歌回還共王喬輩吹簫坐紫苔

送竇上人還山

諸山遊徧後飛錫上京華別路隨天遠浮盃渡海賒禪
心如水月色相是雲霞應有祇園樹歸時盡着花

挹秀軒

勝地風烟外遙山紫翠分花飄萬壑雨簾捲半溪雲鶴
語林間聽樵歌谷口聞不妨招鄭老對酒夜論文

故太守胡公夫人吳氏挽歌四首夫人大學士文
穆公之母也

懿美承先德尊榮際盛時同膺五馬貴早服三南詩敦
穆閨門化醇和母道慈遽言終祿養鄉國不勝悲
春入繡闈重端嚴想德容玉冠垂翡翠錦綉芙蓉顯

澳加新號駢蕃益舊封愁看斜日外雪柳映寒松
圖史存箴戒珎璜肅珮紳未誇班氏傳曾卜孟軻鄰露
墜庭前竹寒生澗裏蘋哀歌忽載路涕淚滿衣巾
慘淡暮煙黃愁看逝水長雲陰隨畫翬山色掩玄堂孝
子終身慕遺書百世藏悲懷墓門道弔鶴入迴翔

沈學士挽詞三首

身際三朝盛名爲四海尊襟懷澄霽月容色藹春溫供
奉常隨輦追趨屢拜恩光榮誰不羨簪笏更盈門
乞身曾上疏未許賦歸田高敞城西宅幽栖小洞天對
花傾玉斝掃石奏朱絃榮寵兼蕭散人誇是列仙

乘化忽長往高年踰古稀嗟予獨悲慨故舊永相違
雲霽寒山暝天空樹影微不堪聞短笛愁絕淚沾衣

哭史葯房先生

青山舊隱處茅屋白雲邊苔色松間石春香橘下泉
花開如昔日人去是何年悵望烟霞外長懷葛稚川

深州八景詩 州治舊苦水患知州蕭公遂移治於
吳莊民皆便之爲賦此詩

吳莊新治

饒陽古趙地春水溢郊墟太守新開治州人始奠居
桑麻千里外禾黍几秋餘薄暮謳歌發喧動里閭

博陵舊治

春風博陵道惆悵度河梁
積水通瀛海遙牽接太行荒
城多古屋老樹半斜陽
野老遙相問猶存舊種棠

東鹿晴嵐

島嶼望不極崑崙接大千
岩發彩翠一半是雲烟花
落不知夕鶴巢誰記年
世人那得到唯有地行仙

滹沱春漲

長河二月末雪霽斷冰開
但見波濤至渾如風雨來
飄搖野艇度蕩漾白鷗迴
望極平沙際春光淨綠苔

凌霄暮藹

傳道層冰合聯翩漢騎過山川
猶自昔風景尚如何草
樹含清藹鳬鷺戲碧波
渡頭斜日暮遙聽采菱歌

蕪菱夕照

平蕪千里曠亭是漢時名孤塔
烟中出殘陽天外明數
峯留晚色一鴈度秋聲
訪古閑登覽時看五馬行

房淵飛燕

洄流百丈淵靈物此蜿蜒變化
如何日傳聞自昔年風
迴紫燕集月射碧波圓
著水無飛葉浮光直接天

衡水歸鴻

秋盡長河冷翩翩見鴈行
地來離絕塞南去到滿
湘烟

水三更月華散兩岸霜何堪數聲喚行客悵思鄉

元日朝回奉呈院中諸公三首

鳳曆頒新紀三元肇此辰風雲雙闕曉雨露萬方春
載筆長隨輦思家獨念親年年赤墀下喜見歲華新

大樂雲中度儀鑒仗外看御筵呈百戲仙旂引千官淑
氣消殘雪晨曦散薄寒朝回思楚俗細薦五辛盤
城鴉低拂曙宮柳細含烟曉色分旌旆春聲入管絃
兩京逢獻歲四海願豐年賴與同袍者追趨侍九天

舟行雜興二十首
永樂癸巳暮扈從北巡閣中使
先發舟龍河自淮泗過平原天津抵通路同諸公作

長江天設障，萬里走驚波。風雨溟濛際，龍變化多。海門深，瀕洞鐵甕起，差我一覽河山壯。臨流發浩歌。

飄搖持使節，蕩漾似乘槎。瓜步朝初落，蕪城日漸斜。孤烟迷去鳥，高樹隱殘霞。遙見江村外，青帘賣酒家。

圖史藏金匱，樓船翼畫旗。放歌移棹處，伐鼓上洪時。中貴烏貂帽，詞人白接離。晚涼宜半醉，臨水咏鳬鷺。

晴烟含岸草，晨露襲芳蘭。野外春光煖，舟中水氣寒。行久憶鄉遠，慈母念衣單。感此懷恩愛，長吟愧伐檀。

涉淮還入泗，遠水接天平。倚棹那知久，看山不記程。荒村亞父塚，孤塔項王城。惆悵他鄉客，難勝慨古情。

歡娛不可極客思獨躊躇久載螭頭筆多乘駕後車敢
期班定遠應愧馮相如聖德將何報東封擬獻書
桑柘連村暗蘼蕪滿路芳風烟齊地曠山水楚天長泛
月移前渚看雲憶故鄉欲將離別意書寄鴈南翔
去路經鄒嶧迢迢望孔林河山齊魯地日月聖賢心草
木薰晴景雲霞霽夕陰宮牆高數仞未敢遽登臨
岱嶽雲中出河流天際來孤城餘魯殿遠樹隱魚臺鷗
逐春波去帆隨曉霧開平生江海興臨眺獨裴徊
須向山水國寥落古今情司隸留遺石無鹽有故城郡
樓殘角起遠戍夕陽鳴遙望東平墓萋萋春草生

經行逢故老訪舊問他鄉聊攝爲方鎮登萊屬海邦男
兒尚弓劍婦女事蠶桑風氣從來別春深雨雪霜
駐節聊城下同時倍黯然鄉關入遠夢山海隔遙天遺
政懷龔遂高風憶仲連躊躇不忍去夜鼓發官船
榆柳蔭堤岸人煙居遠村高原秀菽麥平野散鷄豚積
藁寒燒 編蘆夜覆門齊民尚淳朴遺俗至今存
舟過臨清輝層堤峻似巖石稜斜闌浪風勢急衝帆細
草春將莫遙山日半銜平安已度險歸字急題紙
安居念勞役感此獨懷憂物色隨春盡年華逐水流延
陵雖寶劍晏子但孤裘豈惜川途遠驅馳萬里遊

烟火際交墟平阜過雨餘暖風抽薺菜新水長笑渠人
候沙頭渡牛牽隴上車家家享春社沽酒市河魚
平原古大郡風節魯公餘兵甲重城壯樓臺萬戶居長
河水氣冷細柳晚陰疎薄暮笙歌動來迎使者車

倚棹數津口驚波來暮潮風高知海近地曠見山遙戍
卒開騎馬將軍但射鵬孤城向晚閉鐘鼓夜寥寥

久慕浮丘伯長懷太史公山川謾登覽吟咏思無窮遠
樹連天碧殘陽入海紅持盃待清夜乘月泛河洪
潞水環畿甸微風湧漫波亭臺圍翠幕絲管間清歌楚
客朱輪載胡姬白馬馱鰲鼉出南陌花裏共鷗鷺

元夕昇平詞十首

華蓋中天近祥雲午夜多衆星環絳闕一水接銀河花
蒲瀛洲樹香涵太液波長年逢此夕恩意共春和

蓬萊出霄漢樓殿壓金鰲地接西山近城臨北極高夜
先生齒落春色仙桃遙見旌旗外將軍佩寶刀

紫閣峯起高垂翡翠枝珠毬攢舞鳳寶帶綉盤螭隱
映晴虹度昭夜景遲熙然開壽域絕勝會瑤池

馳道傳清蹕群仙待絳霄金蓮初照耀玉燭久均調鶴
舞依瓊樹雲飛傍綵橋廣開丹闕路大會萬方朝

銅史休傳箭清霄未覺寒月華臨殿上天語出雲端乍

放當筵戲從教對御看恩恩何以報願奉萬年歡
絳蠅花頻吐玲瓏疊翠荷影搖千隊舞聲動萬人歌立
依皆龍馬充庖盡紫駝從來太平日國富衆賢多
景屬陽和候歡逢宴鐫時月高燈影正風靜漏聲遲賜
坐皆文武觀光雜島夷看呈百戲後仗鼓誦幽詩
聖德尊堯統神謀叶禹功河山朔漠外日月照臨中物向
三春遂花宜午夜紅遙聞田野俗擊壤頌年豐
又看河水清今覩泰階平寶氣騰蒼海霞光繞御城
天顏應有喜帝德豈能名共拜傳柑賜謳歌在鐫京
玉兔偏含彩金猊正吐烟臣心惟捧日聖壽永齊天瑞

應河呈^馬祥徵地出泉應須吟麟趾更待奏薰絃

太宗文皇帝挽詞六首

黃鉞徂征日功成奏凱旋鷹旂遙入塞龍御上賓天殺
氣餘沙漠哀聲際幅員煌煌神武德萬世紀瑤編

尚想垂衣日巍巍肅聖容龍文騰五彩天表煥重瞳光
協神堯德宣昭夏禹功河山一統外咸在範圍中

道統傳千古宸謨冠百王太和昭禮樂經緯煥文章天
路風雲杳仙宮歲月長萬方行縞素慟哭泪沾裳

經世貽謀遠安民惠澤多禎祥皆協應俗化久醇和雲
暗橋山路風驚瀚海波空餘^牙劍在萬姓動悲歌

馳道悲風起嚴城曉色分龍輶明霽靈鳳翼擁寒雲素
錦千官引哀歌四海聞長陵遙在望松柏黯斜曛
日向虞淵沒瞻天淚若傾雲深玄寢闕月冷玉衣明廟
享垂千祀神遊眷兩京華夷思德澤哀慟不勝情

仁宗昭皇帝挽辭四首

寶曆應天運重光嗣聖謨尊親昭大孝輔德重群儒禮
樂暮年治仁恩萬國孚仙輿去不返雲霧暗蒼梧

孝友昭純德英明繼大勲成康周令主文景漢賢君求
治心常切憂民意獨勤賡歌勸臣下煥耀典謨文

輔理資賢俊旁求及側微雅言垂聽納忠告賴箴規天上回龍

扈從夜宿利國監驛次汝器韻

行殿凌霄漢周廬匝五營路從花外轉人在月中行鼓
角春宵靜郊墟夜火明屬車當早發不寐聽鷄聲

聖德瑞應詞十首 永樂丁酉冬建宮殿甫成有卿

雲祥光之應又下詔敕厲甚至謹爲詞十章以獻

上國山河壯層霄日月明軋符昭泰運著卜叶神靈建
極開南邑貽謀啓洛京九重龍虎闕千仞鳳凰城霞彩
凝中禁祥光溢太清天長與地久民物荷生成
玉几臨黃道天門藹鄉雲映空長爛熳奉日自絢緼更
結千花影還舒五色文爲霖沾庶物作瑞應

明君賀表群臣奏謳歌四海聞惟應祝萬歲獻賦頌華勛
地接瀛洲近春回晝景長天垂花五采瑞應日重光暖
拂旌旗影晴薰寶篆香至和涵二氣嘉澤沛三陽禁柳
千條發仙萼奕葉芳永諧瓜瓞咏寶曆萬年昌
璀璨金鋪麗霏微瑞藹飄隨香通紫禁傍輦映丹青景
霽陽和近光回玉燭調天庭頒禮幣廣樂奏雲韶喜遂
時雍樂歌傳擊壤謠巍巍

聖皇德今日繼軒堯

舞鳳儀仙陛蟠龍護繡楹奎星光燦爛壁月影分明太
乙迎鑾馭勾陳肅衛兵露華澄寶甕雲氣繞金莖共仰

爲霖化長傾向日誠應頌麟趾更擬奏河清

德叶三辰正心歡萬國同經營合天意機巧運神功繡
拱青雲表彤樓寶氣中輕冰含瑞色密雪霽暄風發育
資陽澤昭明仰

聖功更聞郊野外歌舞慶年豐

南極祥光滿西山紫氣多重城皆煥耀三殿更差我獻
壽傾堯酒彈琴和舜歌天心誠感格

聖德極中和群祀應咸秩賢才盡禮羅迢遙朔漠外

今屬漢山河

世泰人文著時和化育均乾坤一統正雨露萬方春致
治敷明訓陳詩屬小臣成康德久洽文景政維新薦瑞

登清廟垂衣御紫宸無勞舞干羽戎狄已咸賓
曉漏開雙闕鐘聲度九門月華初轉影日馭已臨軒
漁汙陽春詔祇承天地恩致祥方懋德爲治更求言
恭默心逾謹謙冲道益尊訓謨深啓迪

聖子及神孫

虞典咨彙遠周詩咏子來營謀皆

睿智經始自靈臺霧罩千珠樹春涵萬壽杯歡深歌宴鎬
喜極和臺萊載筆常隨輦叨榮愧泛才瞻天惟拜望闕
更徘徊

扈從度龍門作

遶場山川壯關城地勢雄崖傾開鳥道路險瞰龍宮後
隊千旗擁前驅一騎通行迴多傍澗登陟半凌空雨霽
岩前霧香飄樹杪風雲隨仙仗白花映御衣紅景屬陽
和後思羣化育中臨高須刻石頌此紀神功

賦白雲送康生歸省

天濶孤雲起風高片影微浮空常漠漠捧日更依依
若瑤臺簫紛如玉葉飛卷舒應有態變化自忘機曉色
迷人望晴陰逐馬歸即看成五彩光映老萊衣

九竹軒爲魯侍講賦

闔闔西門外君家第宅幽琅玕開碧幃翡翠倚清秋森

列疑商鼎扶疎象島疇陰連上苑樹影拂御河流鳴籟
和鐘律垂竿動翠旂高標虞牧並直節漢卿儔育德三
陽盛培植一氣柔水霜倚日改雨露近時優秀濯朝光
潤青含晚色稠雅懷追衛武高興嗣王敲書帙新涼入
琴尊遠景留不須懷渭曲此地即瀛洲

賦瀛海歸潮送蘇中書歸閩

沽口通瀛海潮頭擁漫波秋高金氣肅風急浪聲多滉
漾連三島逶迤帶九河烟光澄遠浦天影動盤渦仙客
辭朝去歸舟薄暮過雲開見蜃市月出聽漁歌惜別情
無極相思意若何期君在春早鳴珮到鸞坡

賦錦袍送鄭郎中還時江

久賜鸞綾誥新裁黻錦衣織文凝紫翠流彩映珠璣
隱千花繞盤盤兩鶴飛春風鏘玉珮曉日觀彤闈振袂
隨天仗聯班拜紫微半沾花露濕多惹御香歸寵渥今
尤厚交親且暫違畫遊還故里草木也增輝

扈從東苑閱武應制

御路通仙苑神峯壓海鰲陣開雲鳥勢機合虎龍韶星
逐珠毬轉花迎綵仗高穿楊飛羽箭走馬試金刀乍合
嚴鉦鼓才分列羽旄天威臨玉帳日色照黃袍賜詔頒
清宴陳詩詠載橐小臣思獻頌願繼漢王褒

再遊楊鴻臚東郭草亭

曉下驚坡直春遊近郭園柳陰嘶過馬花塢駐行軒樹
密巢多鳥池清水有源泛盃傾玉液展席坐雲根自有
山林趣都無市井喧頻年遂幽賞感激荷天恩

送劉昂御史巡按交趾

萬里南交郡三春使節行雲霞開霽色山岳振威聲馬
援祠前路高駢塔畔城扶輪諸吏拜負弩遠人迎政在
求民瘼心惟體聖情地偏多賦歛產薄有孤榮賑恤恩
宜厚綏懷法用輕遺民庶安堵邇萃且歸營蹤跡豺狼
絕風霜豸角橫方知繡衣使有志在澄清

玉峽書堂

拔地群峯起連天碧嶂開丹崖長瑤草錦石翳蒼苔陰
氣凝深壑陽光曠上台泉飛樹杪下江轉峽中來水色
明如練波聲隱若雷沿流環竹樹隔岸起樓臺日靜汀
花落庭空野鶴回堆床多簡籍拂席少塵埃幽疊楊雄
宅清狂李白才臨淵窺瀕洞倚看崔嵬遠興供詩句閑
情付酒杯自緣多勝景何必問蓬萊

王文安公詩集卷之四

男祐編集

七言律詩

寄和楊之宜春早侍宴朝回之作

紫微天近北門開
玉漏聲殘禁鼓催
五色祥雲依黼座
九重春色照金杯
輕風微逐鳴珂散
細柳低迎仗馬回
一曲陽春誰和得
鳳凰池上待君來

三月初一日殿試承恩賜膳

大廷發策詢多士
草野微臣忝拜恩
已勅太官先賜膳
更勞

聖主自臨軒濟時準擬陳三策
論事相將及萬言
明日傳

臚端有喜卿雲五采映詞垣

賜五色菊應制

御園嘉菊異群芳勅賜移來白玉堂
密葉千重含曉色奇花五彩絢晴光
共誇晚節風霜秀曼帶中天雨露香
珍玩敢忘恩意厚願祈

聖壽萬年長

立春宴梁侍讀宅分韻得絲字

紫禁風和刻漏遲賀春春已到龍墀
開筵正在朝回後宴客初當酒熟時
坐上綵花懸寶勝門前白馬控青絲
却慚半醉歸來晚應似山公倒接巵

送南康翁教授赴任德安

白髮峩冠古進賢十年風雪守寒韞關西不獨推楊震
闕下從來說鄭虔別路斜陽京口樹他鄉明月洞庭舡
郡齋南望山如戟還似匡廬舊講筵

送陳郎中重使西域

使節重臨玉塞秋馬頭衝雪過伊州押營中貴橫金帶
護橐諸軍着豹裘夜聞羌笛行沙磧曉度冰河望戍樓
提爲

聖皇宣德澤無勞歸飲月支頭

送楊都指揮出塞

魯逐嫖姚破百蠻歸來分閫向蕭關星文寶劍腰間帶
月樣雕弓馬上彎誓掃犬羊空瀚海要令烽火靜陰山
軍威况借天威重早見春城奏凱還

題查氏東谷隱居

身閑偏著芰荷衣谷口因家亦自宜簾捲空亭殘雨後
鳥啼深樹夕陽時閑招野衲雲間錫靜對山人石上碁
自笑流年容易過未應雙鬢便成絲

送汪生別其兄南歸

高歌一曲問清筇曲盡何堪更別離汶水烟波秋暮日
彭城風雨夜寒時行經遠郭聞鷄早望入長江見鴈遲

待到故園春已近滿池芳草不勝悲

阿魯台受封後遣其幼子入侍

遠分符券冊天驕恩似春陽及草苗
虜騎萬人先納款胡兒十歲也歸朝
舊垂髻髻纏番錦新賜珠纓珥漢貂
暗想黃雲沙磧裏托身何幸到青霄

送林侍講弟崇信赴泉州訓導

青春被服稱華簪惆悵南行萬里心
愁聽鴈聲雲外斷吟看草色雨中深
舟移汶水經陽穀路轉魚臺近孔林
百世絃歌遺化在廣文無惜此登臨

進士楊勲自洛回與用中諸公薄暮見過有作兼

簡雅言教授

斜陽啼鳥滿空庭
卷幔西山晚更青
洛下已看回使節
天邊今喜聚文星
千門月色人皆靜
午夜鐘聲酒半醒
忽憶廣文相別久
何因多病廢傳經

寄張真人西壁

翠袍珠珮紫綸巾
洞府神仙第一人
夜禮星晨三島月
曉看花木十洲春
龍來授法蟠丹井
鶴去傳書上玉宸
東望蓬瀛遠相憶
長生欲覓尚無因

龍武固有召

軍門有令急傳呼
黃帳前頭馮陣圖
畫道陳琳爲國士

焉知葛亮是名儒安邊有策何須獻逆虜無君久待誅
願作前驅一小校不簪彤管佩金符

自瀾藥海移師東行

遠荒瀚海虜營空寶纛黃麾更向東十萬瑯戈皆馬步
九千犀甲盡蕃戎密覘敵勢無人覺默計洮河有路通
坐見大羊皆就縛兵機先在運籌中

至兀良哈

路轉番河草樹平遠山層疊似重城多尋燥道窺入跡
遙望飛塵識虜營地偏且着諸軍伏令下先教探騎行
明日出奇看破賊合圍齊發帳前兵

城南寓居

自喜幽居隔市塵不知啼鳥送殘春
坐中常有彈棋客門外應多載酒人
綠樹重陰連上苑夕陽餘彩入西隣
折葵便擬清齋坐却笑年來似隱淪

寄徐氏許氏二妹

去年曾接寄來衣此後音書亦漸稀
遠別祗緣恩愛重相思轉覺宦情微
客華暗逐流年改鄉夢應隨迢遞歸
聞說諸甥今長大寸心寧不戀春暉

端午日賜觀射柳二首

鳳凰城上駐龍旂瑞日含光耀紫微
淡蕩蒲風初應節

綰緼花氣半薰衣仗前^新築麒麟苑雲外遙開虎豹圖先着
聖孫來試馬指麾兵陣合天機

鳴簫伐鼓催飛鞚列陣行雲擁翠華競挽琉璃弓如月滿
盡摧揚柳向風斜因知上將皆猿臂揔道諸軍勝虎牙
莫羨天山曾獻巧射生今已靜胡沙

送陳洽尚書拜命同大將軍英公出鎮交趾
黃麻宣命出薇垣榮寵新瞻八座尊

天子再令開幕府威聲先已到轅門遙飛羽檄收殘寇却
放諸軍入舊屯應共成功實車騎歸來麟閣拜深恩

南昌即興和項御史韻三首

重疊青山江上城，江流下道接東溟。
萬家楊柳烟中市，十里荷花浦口亭。
神劍已驚風雨化，潭蛟空蟄水雲腥。
登臨何處堪回首，徐孺祠前春草青。

卅臺紫霧接郊墟，曾倚西風聽步趨。
黃鶴不知何日去，彩鷺空憶舊時居。
浮雲度雨千峯外，積水澄秋萬里餘。
醉裏題詩忽惆悵，卧聞鐘鼓在天衢。

送胡直敬方下第還家

不同年少步青雲，歸戴儒冠獨羨君。
洛下何須推賈誼，朝中猶自惜劉蕡。
聊城日暮風沙淨，岱嶽天晴紫翠分。
齊魯山河今覽徧，子長惟有_百篇文。

和素庵侍講對雨詩

九夏重陰久不開
風聲偏送雨聲來
低垂楊柳窓前暗
半濕朝衣馬上回
雲霓不用蒼生望
黼黻還資內相才
誰道先生今白髮
紫泥封誥欲相催

直禁中次韻

苑樹陰陰鳥自啼
從官多在掖垣西
霓旌浮動蒼龍影
御馬行翻碧玉蹄
路入廣寒天語近
涼生金露月華低
幾回得侍宸遊處
兩袖香烟晚更携

題梁贊善南齋

宮闕遙臨天漢上
齋居遙對御城南
雲峯列似千重幕

涼氣清如百丈潭詩句每從閒處得道機因向靜中參
何幸時來陪几席焚香揮麈接清談

題宋王晉卿駙馬西園雅集圖

洛陽春日舊遊時何晏才名衆所知碧水丹山誰共賦
黃冠野服正相宜蘭亭遺墨今猶在蓮社高風不可期
惟見天津斜日外澹烟疎柳亂垂絲

冬至日早朝微雪呈同院諸公

九重曙色曉蒼蒼鐘鼓聲高刻漏長已慶三陽迎節候
祇將萬壽祝君王微飄瑞雪消寒氣輕點朝衣散御香
不獨謳歌頌豐歲更書雲物紀禎祥

寓館有懷

客居何事倍傷情恨不全家住薊城望入故鄉無鴈過
夢回殘月有鷄鳴歸心誰復如張翰生計安能似向平
四十年華看已過無才深愧負時名

送中書舍人張侗扈從北征

萬乘春行擁六師遠追殘虜靜邊陲天閑開闔風雲陣
辰象昭回日月旗夜對青油書檄處曉看黃幄受降時
從官齊拜

龍顏喜新製鐃簫載道吹

少年將

漢家十萬羽林兒，壯氣桓桓似虎貔。
賜將宮錦繡盤螭，春城走馬花開處。
夜鼓歸營月上時，應是太平無戰伐。
少年行樂正相宜。

送陳員外使西域

乘輅西去度河源，望盡蒲山接塞垣。
諸郡謳歌迎使節，一時雨露降天恩。
黃沙白草烽烟淨，斜日寒雲鼓角喧。
知有蕃王隨入侍，遠將龍馬貢中原。

送葉秀才赴香河教官兼呈吳合肥文穎

金臺北去是香河，應喜官閑野興多。
井邑背城無客旅，齋居臨水有絃歌。
太行日暮看雲斷，渤海春深見鴈過。

煩問謫居吳令尹田園生計近如何

送廖去急從陳尚書與英公往南交

行趨幕府叅戎事此去南荒淨海氛紫授金章大司馬虎符龍

遙山漠漠遠烟微
古寺從來過客稀
苔徑鳥隨霜葉下
寒岩僧帶暮雲歸
心從靜處偏聞法
禪向空中始悟機
歸路正堪乘月色
翩翩白馬引朱衣

逢武當道士李幽巖

十五辭家入洞天
白頭今作地行仙
手持竹杖青如玉
身著荷衣翠似烟
海上雲濤閒處看
壺中樓閣醉時眠
相逢欲問還山路
笑指桃花綠水邊

寄黃廣文

鄭虔老去是吾師
不用相思嘆別離
負愜諸生皆願學
過庭群從總聞詩
城頭殘月趨朝早
禁裏踈鐘退食遲

幾載著書思舊隱未容歸卧向明時

唐氏隱居

郡城西面擁清湘湘水連山護草堂
卷幔浮雲千嶂曉入窓微雨百花香
杜陵老去耽詩癖阮籍閑來效醉狂
最好凭闌斜日外數峰秋色是衡陽

朝回宴李君小館有懷

欲寄鄉書鴈過稀家山多在夢中歸
天連楚澤波聲遠霞暗交河樹影微
每聽隣鷄馳曉騎多乘殘月着朝衣
與君退直歸偏晚把酒相看對夕暉

扈從重至北京

蒲道笙歌迎御輦萬人歡
拊效嵩呼山川遥獻雲霞瑞
草木均沾雨露濡日射龍光
團寶扇風薰花氣和金爐
屬車誰羨詞垣客載筆重來
賦西都

奉酬楊之宜見寄詩韻

曾隨御輦看花飛馳道縈迴
入翠微帳殿旌旗行處近
人家烟火望中稀梁山日暮
孤雲斷汶水春深一鴈歸
今到廣陽成久住莫教音信
遠相違

贈孫碧雲鍊師還山

鍊就神丹熟九還一簪華髮
尚童顏到來明月金臺路
歸去浮雲玉洞山多附鸞書
三島外長留棋局百花間

何時得訪陶弘景坐我烟霞半日閑

榆林夜宿有懷邵庵學士對月之作

榆林春夜漏聲遲獨憶奎章對月時
翠袖清歌看駐輦錦箋紅燭坐題詩
連雲尚有青山在夾路應多細柳垂
北望窮荒凋落盡昔年文物倍堪悲

望宣府諸山作地志載燕然山即此

群山何處是燕然亂石懸崖半倚天
疆域久書唐地志碑銘猶記漢山川
雲邊古路黃沙磧谷口斜陽白草烟
極目蕭條千里外幾行飛鴈獨翩翩

送呂尚書使閩中兼省母太夫人

旗旄載道擁前驅使節西行綬命初
手捧龍章乘白馬
腰橫犀帶佩金魚
多逢故老宣恩意更向高堂問起居
畫錦光華誰不羨
魏公清德重鄉閭

贈李將軍

青春玉帳樹牙旗
蒲海風高列陣時
夜斬單于冰上度
晚驅番馬雪中騎
功存鐵券書丹字
冠着金貂侍玉墀
誰道廉頗今白髮
指麾猶可萬人師

春日開小軒謾興

閑看芳草碧萋萋
久客思家意轉迷
微雨一春歸鴈斷
斜陽幾樹亂鶯啼
新開水檻仍依郭
舊種村田亦傍溪

真性只宜幽遁者何因通籍向金墀

重遊慶壽寺

投閒未卜遠公鄰重向煙霞訪早春
祇樹萬花開寶地紺堂千佛見金身
因窺禪意能通寂已覺開心不染塵
鐘磬冷冷斜日外松風啼鳥更宜人

觀御馬

天閑十二馬如雲供御驂
騶徧不群珠絡繡鞞垂鳳臆
紫霞黃蓋覆龍文控隨曉仗臨雙闕
馳向春營按六軍
逸態飄飄誰得近驕嘶多是隔花聞

送張真人西磬

紫府仙人戴玉冠
新承封誥出金鑾
霓旌迢遞歸龍虎
羽蓋飄搖引鳳鸞
蒲路碧桃春渺渺
連山翠霧曉漫漫
洞天到日應何事
更煉長生九轉丹

遊揚卿東郭草亭

朝回已覺酒微醒
淡蕩東風信馬行
蒲路飛花初過雨
繞亭垂柳亂啼鶯
故人^情倒留賓客野
老謳歌頌

聖明總道太平入
盡樂園林草木也光榮

送受封邵御史

聖主推恩已授官
承顏不獨彩衣歡
到來天上瞻龍袞
歸去山中著豸冠
秦望曉雲開霽色
鑑湖春水漾微瀾
應

同魚鳥閑遊慣不假風霜鐵面寒

送李學士還安成祭祖

金門漏徹曙光微祇奉綸音下赤墀
玉佩錦衣還故里寒雲籠樹有深思
蘋蘩薦祀逢秋後梅柳迎春近臘時
視草臺坡應有待盍簪黃閣正相期

行儉侍郎惠雙鸛并詩次韻

雙鸛娉婷在綠陰興來爲爾復長吟
久副尚有衝霄志乍到寧無戀主心
舞影聯翩隨月轉鳴聲嘹唳覺秋深
感君相贈無相報謾鼓朱絃續賞音

家養二鵝潔白可玩以酌行儉雙鸛之惠

惠我仙禽誰不愛
酌君家鴈也珍奇
雪翎豈待滋春露
紅掌偏宜泛綠漪
房相庭前微雨後
右軍池上曉涼時
看他潔白同鷗鷺
兩兩和鳴振羽儀

送王晉明還金谿

萬里飛騰捧薦書
幡然歸去意何如
且從故里爲師範
偏得高堂問起居
綠樹重陰連巷陌
清秋涼氣滿郊墟
殷勤不廢三冬學
定有徵車到里閭

送王都御史使河南

文屏爲帶錦爲衣
手捧天書月下歸
問俗謾勞詢父老
感恩兼得拜慈闈
嵩陽雨霽烟光澹
河洛春深柳色微
總道

驚車行處好豺狼先已避霜威

觀吳開開所種海色薔薇

繁華五彩勝茶蘼春去才開蝶不知宛似雲霞生玉洞
恍疑金翠出瑤池披香尚想吹蕭處滴露曾聞馮韻詩
一自鶴飛三島外可憐清賞負歸期

和錢檢討遊海印寺之作

連城鐘鼓散晴烟紺殿遙開北斗邊簷蔔香深微帶露
蓮花池淨暗通泉雲霞高捧空中日色相長涵鏡裏天
始覺禪心無染著此生那得謝塵緣

過虞美人墓

玉顏長得君王愛，飲恨其如薄命何。
霸業盡消坡下戰，英雄空對帳中歌。
斷雲殘雨江東遠，衰草寒烟墓上多。
猶有楚人來悵望，扁舟夜載月明過。

重遊白雲觀分題作

躍馬從來此地遊，地偏疑即是丹丘。
石壇瑤草逢春長，玉洞桃花夾水流。
尚有仙童招白鶴，豈無闕吏候青牛。
歸鞍更望蓬萊近，雲氣遙連十二樓。

夜泊邳州城外有懷呈同行諸公

平蕪漠漠柳依依，迢遞烟村夜火微。
遠水孤舟人語靜，重城殘月漏聲稀。
心馳北闕應先到，家在南方久未歸。

明發杞橋須訪古淹留莫惜典春衣

寄示裕祐祺三子

阿祺別我久還鄉兄弟聯翩若鴈行
拜表可能同李密愛親寧不慕黃香
心憐撫育恩難盡身愧驅馳髮欲霜
一度書回一惆悵白雲無限楚天長

送劉傑給事中赴雲南閱兵

皇華遠赴夜郎城曉日飄搖使節行
萬騎遙從花外轉百蠻先向馬前迎
雲山草木皆含潤瘴海波濤久盪清
總爲諸軍宣德意太平無事且春耕

石佛寺

上方烟樹遠沉沉過客重來感慨深山下浮雲多故壘
定中秋月獨禪心幽花細草春光晚古路荒苔夕照陰
此處俗塵應不到幾人乘興解登臨

過戲馬臺

烽烟三月火咸陽功業終隨玉斗亡却嘆重瞳非霸主
方知隆準是真王蕭蕭歸馬旌旗盡寂寂空臺草樹荒
堪笑英雄還有恨啼鳴不侶楚歌長

挽趙御醫

校書深羨石渠郎金馬曾聞有薦章醫術自慚如董奉
年華誰惜似馮唐空囊遺藁皆成帙舊日殘書尚滿床

惆悵九峯烟雨外
水光山色亦淒涼

題滕王閣圖二首

連城高閣起崔嵬
帝子曾經歌舞來
四面簾籠開曉霧
半空簫鼓隱春雷
緱山謾說乘鵩去
遼海徒聞化鶴回
惟有三王遺刻在
年年風雨長莓苔

鳴鸞珮玉憶當年
遺跡荒涼倍可憐
尚有殘花飛蛺蝶
應多古樹怨啼鵲
西山疎雨浮雲外
南浦驚波夕照邊
何事王孫舊時草
蒲堤猶自綠芊芊

北京八咏

居庸疊翠

千峯萬處起層城空裏峩嵒積翠明雲爭芙蓉開霽色
天清鼓角散秋聲北連紫塞烽烟斷南接金臺驛路平
此地由來天設險萬年形勢壯神京

玉泉垂虹

陰崖翠濕雨微收一派清冷萬壑幽雲裏玉虹低映日
天邊銀漢迥涵秋影隨斜月穿林過香泛飛花出峽流
涓涓不向人間去細逐春風入御溝

太液晴波

杜若花深雨露香蒲池春浪接天潢樓臺淨寫空中影
日月長涵鏡裏光有象龜龍皆獻瑞無心鷗鳥亦隨陽

應知聖澤深如海
更有恩波及萬方

瓊島春雲

蓬萊擁翠開金殿
雲氣凝春勝彩霞
曉色迥含千樹柳
晴光深映萬年花
終爲大地施霖雨
更傍層霄捧日華
瑞采絢緼長不散
從來此處是仙家

薊門烟樹

迢遞重城帶遠岑
烟中古木更森森
繁枝不逐風霜老
積翠應含雨露深
香霧殘霞連暮色
依微初日散輕陰
枝頭偏有流鶯轉
長送春聲入上林

西山霽雪

天近諸峯盡向陽
暖融晴雪見春光
素華疊映雲霞色
瑞氣多含草木香
漸覺層林分遠近
遙看空翠出微茫
爲語東風莫消盡
且留歌詠付山郎

廬溝曉月

渾河東去日悠悠
斜月偏宜入早秋
曙色微涵波影動
殘花猶帶浪花流
疎鐘欲度千門曉
正馬曹爲萬里遊
題柱謾勞回首處
西風零露滿貂裘

金臺夕照

獨上高臺望古城
暮天風景尚含情
數峯殘照雲將掩
幾樹閑花鳥自鳴
玉帛已看今日會
黃金空記昔時名

願歌周雅思皇跡多士衣冠盛鎬京

南昌古蹟十咏

澹臺墓

當年懷璧度延津南國遺祠尚有神
近墓何曾開曲徑下車長自過賢人
月明華表聞霜鶴草長荒園臥石麟
曾向武城詢舊里絃歌寂寞更沾巾

灌嬰城

漢家飛將額陰侯舊築層城但故丘
草樹風烟今尚見樓臺鼓角昔曾遊
深濠翻有樵人度斷岸應多野水流
回首金湯在何處蘆花楓葉楚江秋

梅真觀

去國長懷萬里憂，封章未報忍歸休。
已無忠諫居三輔，獨有威權在五侯。
舊館空餘秦地月，古壇猶似漢宮秋。
傳聞誇鶴三山去，不向湘潭賦遠遊。

葛仙壇

白雲深處有仙家，豈似人間換歲華。
玄圃四時生碧草，金爐九轉熟丹砂。
蛟龍時送巖前雨，鸞鶴長栖洞口花。
惟有緱山王子晉，年年來往在烟霞。

投書渚

孤琴別鶴思悠悠，一片風帆萬里秋。
車馬不勞江上送，

封函盡向水中投人情世態何須問往事浮雲莫謾愁
烟樹蒼蒼斜日暮幾聲寒鴈過汀洲

馮韻軒

仙臺瑤館靜寥寥去逐行雲天路遙紫氣隨春生彩筆
神光入夜近丹霄斲回玉洞因騎虎直上銀河更度橋
惆悵千山風露冷擬從何處聽吹簫

繩金塔

重城烟霧遠蒼茫百尺浮屠在上方大地雲霞涵寶氣
諸天色相見神光迴闌迥出西山上飛棋遙臨北斗傍
尚記題名最高頂滿空花雨正斜陽

浴仙池

霓旌宛宛泛天風
路接銀河一水通
驚影乍臨清鏡裏
羽衣遙入白雲中
只疑神女歸巫峽
長想仙娥在月宮
駐馬幾曾池上看
桃花空照綠波紅

陳陶宅

山深風景似華陽
茅屋蕭條石路荒
終老獨憐唐處士
平生不慕楚襄王
岩前日落行雲斷
澗裏花飛春草長
空有當時猿鶴在
滿林霜月夜淒涼

蘇公圃

避地還尋高士居
蒲畦芳草意何如
別來劒閣千山月

拋却陰符一卷書使節謾回斜日外園花空發暮春餘
明當移棹烟波去不羨人間駟馬車

題陶穀學士郵亭夜醉圖

誰憐艷色照春陽回首紅亭却斷腸不羨有金如陸賈
可能無夢似襄王琵琶彈後青衫濕旌節歸時粉黛香
休笑興元幕中使崔徽臨別淚千行

蒙恩特賜歸省舟中奉呈同行退菴尚書

長河之水接天平轉山迴謾記程芳草斷烟清口渡曉
風殘月廣陵城千蒙柳色兼春色兩岸歌聲雜鼓聲傳
道尚書歸故里路人層立望行旌

遙想金川旌旆歸一時佳節滿庭開輝煌五彩龍文誥
璀璨千花獸錦衣草木也應多喜色山川倍覺有光輝
祇漸燕雀隨鴻鵠得共雲霄萬里飛

揮塵亭三十八代天師所居今西壁真人重構乃
爲賦之二首

蓬島仙人戴玉冠曾揮玉塵坐瑤壇青牛去後關山暮
白鶴歸時塞月寒寶籙尚存三洞錄金爐猶伏九還丹
近來亭榭應何侶滿樹晴花宿鳳鸞

水繞仙山四面流相傳此地是瀛洲亭邊翠蓋千株樹
雲外丹梯百尺樓莫逐桃花尋去路願將蓮葉作仙舟

閑來相伴談玄者坐聽松風萬壑秋

送楊琛長史還洛水

秋半都門菊霽初送君南去意何如久知渤海懷龍遂
今喜江都得仲舒綠酒青樽尋故友黃花翠竹訪郊居
休言白髮離鄉久梁土猶存舊著書

和吳司業寄鄧林憶別詩

南行久與故交違何事迢迢動客思韓子每稱東野句
杜陵多寄謫仙詩開看流水情難盡靜對孤雲意獨遲
有約來春再相聚杏花壇畔聽朱絲

送董憲使演還江甯

玉偏聲微禁鼓催香烟蒲袖出蓬萊龍章紫誥承華寵
玉節朱衣到外臺爲政久持冰蘗操濟時須仗棟梁材
近時方岳俱登用只恐徵書早晚來

送陳孟旦教諭赴江陰

諸兄詞館昔同遊蚤歲憐君學最優總謂才高宜薦達
莫嗟官冷尚淹留蘭陵山色雲中曉震澤波光海上秋
想得鄭虔詩興好何須更說步瀛洲

送知縣梁碩赴什邡

什邡遙接大江流此地曾封漢列侯到處烟村黃葉樹
幾家茅屋白雲秋山深自好彈琴治事簡應能出郭遊

側聽西人頌嘉政
循良不獨魯中牟

送尹復道

遠將書劍載孤舟
總道南行是勝遊
漠漠江天全楚地
蒼蒼烟樹故荊州
山連郡郭千峯出
水繞蠻宮四面流
最好廣文開講席
夜凉燈火對高秋

寄少保東萊黃公

鳴珂佩玉侍丹霄
獨秉忠誠事五朝
叅贊今同周太保
謀猷曾佐漢嫖姚
東風芳草清溪路
細雨飛花白下橋
馬上詩成誰和得
敢煩書寄舊宮僚

早春楊尚書置酒閣中次少傅東里公韻

--	--	--	--	--	--	--	--	--	--

運司官終于家

謝却浮名尚亂離身閑喜遇太平時
斗間紫氣誰能掩天上雲龍會有期
詔許蒲輪來玉殿賜將鳩杖下彤墀
橫經親授諸王學論事多蒙

聖主知春意潛回雙鳳闕宮花開偏萬年枝
何須綠筆題鸚鵡已侍清班著駸駸
養海獨慚膺命早還山却笑掛冠遲
二疏盡把黃金散四皓從教白髮垂
遙對一尊傾北海更開三徑傍東籬
先天謾向閑中看甲子多從醉後推
堪嘆龍蛇偏入夢可憐猿鶴倍生悲
長松絕磴秋天興芳草孤亭日暮思
豈但關西懷伯起至今湖海重

元規飛雲故統祠前樹過客爭看墓上碑文水一江波
浩蕩武山千仞碧參差茫茫烟雨多愁思更爲招魂誦
楚辭

送袁舍人忠徹扈從出塞

六師春暖正巡邊寶蓋朱旗列御前
參侍百官齊拱衛射生諸將盡爭先
風高金鼓千山震金肅雷霆萬里傳
鼙鼓無過神算密謀猷兼得省郎賢
雲開玉帳連海草暗黃沙遠接天
夜逐紫駝看塞月曉馳白馬望狼烟
何妨殘虜將爲寇更布奇兵出控絃
陣合魚龍圍朔漠營分廬幕徧山川
誅夷雖仗軍威壯吊伐仍將德意宣
狄

女戴恩來款附胡兒就縛巧生金應知明主成功易早
聽都城奏凱還吉甫一篇江漢頌共君歌咏太平年

挽許檢校

昔承恩詔入龍墀闕下才名衆所知細柳營中看舞劍
紅蓮幕裏坐題詩每勞明主宮衣賜常得將軍戰馬騎
再領簿書誰不羨三承寵命亦相宜吳花發經行處薇
省春深乍到時總按六曹皆有法部巡諸道却無私還
祛旱魃施霖雨更息群妖決衆疑敢謂功成思勇退獨
憐親老力陳辭銜恩就捧歸田詔把菊先傾獻壽卮二
頃水田皆近郭萬條烟柳半臨池方知身世閑偏好愈

覺文章老更奇洛社幾年嗟不見楚山終古亦含悲
閑潛舊館看猶在賀監扁舟去莫期千里孤雲秋色暮
數峯殘雨夕陽遲鄉人猶自尊耆德孫子惟應拜墓祠
若向臨安城下過斷腸還有去思碑

對雪賦得光字

一夜花飛滿建章
鵬前三白喜呈祥
玉階天近微飄影
紫閣風回不度香
斜逐旌旗分陣勢
嚴隨鷁鷺入班行
能添御史霜威冷
解拂將軍寶劍光
曉色分明連上苑
月華重疊映迴廊
雲峯盡聳瑤臺白
水榭深藏御柳黃
謾醉宮壺寒力薄
微聞清禁漏聲長
豐年即此多恩澤

瑞氣和春到萬方

王文公詩集卷之五

男祐編集

七言絕句

題群雀圖

寒梅幽竹滿疎籬
鴈盡風和雪霽時
禽鳥也知春易到
和鳴先集向南枝

題鏡中墨梅

冰作肌膚雪作容
鉛華點綴若爲工
羅浮仙女多姿態
乍試新粧曉鏡中

題雪天蘆鴈圖宋王熙所畫二首

塞鴈悲鳴百草枯
宣和遺恨竟何如
殿臣此畫寧無意

正欲當時戒覆車

玉管吹殘雪正飛
陰山夜遁馬行遲
數聲落鴈黃雲暗
空想延春看畫時

小池

小池流水日泠泠
中有遊魚作隊行
看魚未可閑垂釣
近水惟堪自濯纓

題畫四首

竹外紅桃盡看花
水邊亭館勝仙家
此中風景長年好
不似人間換歲華

浦樹陰陰連翠微
江皋日暖白鷗飛
何人倚棹西風外

疑是山陰賀監歸

青山紅樹晚雲多
借問看山意若何
遙見懸崖掛飛瀑
只疑天上落銀河

飛雪漫山凍未消
滿林積素似瑤瑤
相看且唱陽春曲
不用垂鞭度霸橋

病起

病起昏昏似醉醒
看山徐步出前庭
不知昨夜多風雨
滿地落花春草青

題曾侍講雲山圖

倚天喬木翠重重
秀色微茫是九峯
誰道白雲長不散

望中佳氣盡隨龍

舟過高郵

畫船撾鼓過孟城兩岸桃花春水平
今夜湖中多好景直須看月到三更

題胡人歸獵圖二首

獵罷陰山薄暮歸統鞍雉兔馬行遲
風高不敢鳴笳鼓只恐防秋漢將知

馳馬謾誇弓力強斜飛白羽射黃羊
旃裘一去龍沙遠惟見西風塞草黃

贈能書胡昂二首

竹雪齋中雨乍晴日長惟寫換鵝經蒲花庭落無人到遙
看西山數點青

京國相逢長日醉醉中徃徃更吟詩忽然揮洒人驚見
風雨蛟龍出峽時

題洛神圖

水殿新粧試落梅芙蓉一朵鏡中開誰憐國色翻成恨
怨入陳王七步才

題綠鸞圖

笑倚東風露玉腮謾留遺墨在仙臺當時蹤跡應何似
一片行雲帶雨回

題西墅學士家畫竹幃二首

路轉山迴溪水深
君家萬竹翠沉沉
分明影落銀屏上
踈雨寒烟十畝陰

一片蕭蕭烟水姿
知君托興最相宜
白麻紅燭清秋夜
相對猶歌衛武詩

題畫

山下荒村烟樹天
邊落日孤舟行客
欲歸何處白雲茅
屋清秋

青山飛瀑圖

昔過匡廬看飛瀑
玉虹垂影雨初收
江南風景忽在眼

惆悵白雲千里秋

劉道士南陽舊隱

白石蒼苔路欲斜
微風滿地落松花
舊時唯有燒丹室
門對孤峯鎖暮霞

梨花鳴鳩圖

一樹棠梨花正開
鞦韆何處忽飛來
不須喚雨催春暮
只恐花飄委綠苔

扈從曉發東葛城二首

五營齊起聽鷄鳴
亂奏梅花已四更
山徑月斜楊柳暗
忽聞枝上有流鶯

蒲路春泥雨乍晴
石苔新綠水痕平
玉驄驚過金吾隊
中使時來問姓名

淮安別回御史

遠別悠悠鄉夢頻
逢君況是異鄉春
可憐河畔青青柳
又折長條別故人

辛安渡和舟人櫂歌三首

渡頭兒女茜裙新
背搖雙櫓蹙眉顰
日暮教郎且莫渡
渺渺風波愁殺人

春來春去河水流
河邊風浪幾人愁
今夜送郎渡河去
明日相思望渡頭

晚風淒淒山雨來
花飛隨水正堪哀
行人見花須有意
莫逐東風去不回

題淵明歸去圖

柴桑歸去未爲貧
漉酒還須用葛巾
莫道先生渾是醉
也將醒眼看他人

--	--	--	--	--	--	--	--	--	--